

CONVENIO DE COLABORACIÓN ENTRE A VICEPRESIDENCIA PRIMEIRA E CONSELLERÍA DE ECONOMÍA, INDUSTRIA E INNOVACIÓN DA XUNTA DE GALICIA E A FUNDACIÓN INSTITUTO FEIRAL DE VIGO PARA O FINANCIAMENTO DE GASTOS RELATIVOS Á CELEBRACIÓN DE ACTIVIDADES DE PROMOCIÓN NO RECINTO FEIRAL INSTITUTO FEIRAL DA CIDADE DE VIGO – 2022

En Santiago de Compostela, a 12 de agosto de 2022, na sede da Vicepresidencia Primeira e Consellería de Economía, Industria e Innovación

REUNIDOS

Dunha parte, xxxxxx, vicepresidente primeiro e conselleiro de Economía, Industria e Innovación da Xunta de Galicia, nomeado para o devandito cargo polo Decreto 60/2022, do 15 de maio, actuando en exercicio das competencias que ten atribuídas polo artigo 34 da Lei 1/1983, de 22 de febreiro, de normas reguladoras da Xunta de Galicia e da súa Presidencia.

Doutra parte, xxxxxxxx, co NIF xxxxxx, actuando en nome e representación da Fundación Instituto Feiral de Vigo, na súa calidade de director-xerente, en cumprimento das funcións que ten encomendadas a teor do disposto no artigo 28 dos estatutos da fundación.

Ambas partes interveñen en exercicio dos seus cargos respectivos, recoñecéndose lexitimidade e capacitación suficiente para a subscripción do presente convenio, e na súa virtude

EXPOÑEN

Primeiro.- A Vicepresidencia Primeira e Consellería de Economía, Industria e Innovación, segundo O Decreto 116/2022, do 23 de xuño, polo que se establece a estrutura orgánica da Vicepresidencia Primeira e Consellería de Economía, Industria e Innovación, é o órgano da Xunta de Galicia ao que lle corresponde o exercicio, entre outras, das competencias en materia de comercio interior. Dentro destas cabe sinalar, especificamente, a promoción, o fomento, a modernización e o desenvolvemento do comercio e a programación e a xestión de axudas destinadas a estes fins, o impulso do asociacionismo comercial e da asistencia técnica comercial en colaboración con outras institucións e entidades.

Concretamente, o programa 751A, que xestiona a Dirección Xeral de Comercio e Consumo, contempla a renovación do sector do comercio e a promoción de sectores e produtos galegos, apoiando neste caso as actuacións desenvolvidas polas fundacións feirais para acadar o nivel de competitividade desexablel cara os mercados nacionais e internacionais e que incidan no seu maior desenvolvemento.

Segundo.- No orzamento de gastos da Vicepresidencia Primeira e Consellería de Economía, Industria e Innovación para o exercicio 2022 inclúese a aplicación 06.03.751A.443.23, "Instituto Feiral de Vigo", coa fonte de financiamento de fondos propios libres (1010) e o proxecto de investimento número 2015/00265, "Fundacións de carácter feiral. Mantemento e actividade feiral". De conformidade co disposto polos artigos 19.4 e 26 da Lei 9/2007, do 13 de xuño, de subvencións de Galicia, trátase dunha subvención de concesión directa que se instrumenta a través deste convenio de colaboración.

Terceiro.- A Fundación Instituto Feiral de Vigo ten como obxecto a consecución de fins xerais de interese galego no ámbito sectorial ao que a súa denominación e fins se contraen, sendo unha das súas finalidades primordiais a realización de actividades de promoción e, a tal fin, vén desenvolvendo no recinto feiral que xestiona actuacións que se concretan, fundamentalmente, en feiras, certames e exposicións.

É por isto polo que as súas actuacións enmárcanse no interese xeral e, de acordo co disposto no artigo 26.2.a) da Lei 9/2007, do 13 de xuño, de subvencións de Galicia, non é posible promover a concorrència pública xa que as accións de promoción comercial dos produtos e sectores galegos a través de feiras, certames, xornadas divulgativas e outras similares, obxecto deste convenio, realizaranse unicamente no recinto feiral do que é titular a devandita fundación.

Cuarto.- Con carácter previo á sinatura deste convenio, a Fundación Instituto Feiral de Vigo acredita a concorrència ou non doutras axudas públicas para a mesma finalidade de conformidade co establecido no artigo 11.d) da Lei 9/2007, do 13 de xuño, de subvencións de Galicia. Así mesmo, constan certificacións de estar ao corrente nas súas obrigas tributarias e coa Seguridade Social e de non ter débedas pendentes por ningún concepto coa Xunta de Galicia de acordo co establecido nos artigos 11.e) e 31.7 da devandita lei.

Esta subvención queda suxeita ao réxime de axudas de minimis, polo que non poderá exceder dos límites cuantitativos de 200.000,00 € nun período de tres anos establecidos no Regulamento (UE) núm. 1407/2013 da Comisión da Unión Europea, do 18 de decembro de 2013, relativo á aplicación dos artigos 107 e 108 do Tratado de Funcionamento da Unión Europea ás axudas de minimis (DOUE 24.12.2013, L352/1).

Por conseguinte, a Fundación Instituto Feiral de Vigo acredita previamente á sinatura deste convenio a obtención ou non doutras axudas baixo o réxime de minimis que non superan os límites establecidos no Regulamento sinalado no parágrafo anterior. Estes límites aplicaranse independentemente da forma da axuda de minimis ou do obxectivo perseguido e o período determinarase tomando como referencia os dous exercicios fiscais anteriores e o exercicio fiscal en curso.

En virtude de todo o exposto, as partes consideran que a mellora da competitividade do recinto feiral e a posta en valor dos seus recursos favorece o desenvolvemento comercial, implementando as accións no ámbito da promoción feiral, e, dado o seu interese coincidente, acordan a formalización deste convenio de colaboración de acordo coas seguintes

CLÁUSULAS

PRIMEIRA.- Este convenio de colaboración ten por obxecto establecer as bases de colaboración entre a Vicepresidencia Primeira e Consellería de Economía, Industria e Innovación e a Fundación Instituto Feiral de Vigo para o financiamento dos gastos correntes nos que incorra a fundación na realización de accións de promoción comercial, a través das feiras, certames, xornadas divulgativas e outras similares que se detallan no anexo, no recinto feiral do que é titular a fundación, cun orzamento total de 138.147 € (IVE excluído).

SEGUNDA.- A Vicepresidencia Primeira e Consellería de Economía, Industria e Innovación achega a cantidade de 50.000,00 € con cargo á aplicación orzamentaria 06.03.751A.443.23, proxecto de investimento 2015/00265, do orzamento de gastos para o ano 2022.

TERCEIRA.- A Fundación Instituto Feiral de Vigo comprométese a executar as accións de promoción dentro do seu recinto feiral e a especificar a colaboración da Vicepresidencia Primeira e Consellería de Economía, Industria e Innovación en toda a documentación que se derive das ditas accións, así como a financiar o resto do orzamento deste convenio na cantidade de 88.147,00 €.

Con carácter xeral e de acordo co artigo 29 da Lei 9/2007, do 13 de xuño, de subvencións de Galicia, consideraranse gastos subvencionables aqueles que, de xeito indubitado, respondan á natureza da actividade subvencionada e se realicen dentro do período comprendido entre o 1 de xaneiro e o 30 de novembro de 2022.

Os gastos subvencionables ao abeiro deste convenio e os seus importes máximos serán os que estean vinculados aos conceptos detallados no orzamento establecido no anexo.

En ningún caso o custo de adquisición dos gastos subvencionables poderá ser superior ao valor do mercado.

Considerarase gasto realizado o que foi efectivamente pagado á data de finalización do período de xustificación determinado neste convenio.

A Fundación Instituto Feiral de Vigo, como entidade promotora das actuacións obxecto deste convenio e co obxecto de garantir a súa adecuada execución, comprométese a asumir a dirección técnica e deberá proceder, en consecuencia, á asignación dos medios humanos e materiais que sexan necesarios e, se é o caso, á subcontratación dos servizos precisos ata o 100 %, asumindo expresamente o contido dos límites e obrigas establecidos no artigo 27 da Lei 9/2007, do 13 de xuño, de subvencións de Galicia e no artigo 43 do Decreto 11/2009, do 8 de xaneiro, polo que se aproba o Regulamento da devandita lei, sen prexuízo da aplicación da disciplina da contratación pública se a entidade beneficiaria cumpre coas condicións do artigo 3.3.b) da Lei 9/2017, de 8 de novembro, de contratos do sector público.

CUARTA.- A achega da Vicepresidencia Primeira e Consellería de Economía, Industria e Innovación para a realización das actividades obxecto deste convenio é compatible con outras axudas outorgadas por outras administracións ou entes públicos ou privados, nacionais ou internacionais para a mesma finalidade, sempre que o importe total das subvencións concedidas non supere o custo das actividades subvencionadas.

QUINTA.- O libramento da achega pola Vicepresidencia Primeira e Consellería de Economía, Industria e Innovación levarase a cabo unha vez que a Fundación Instituto Feiral de Vigo acredite a realización das accións de promoción que dan orixe aos gastos mediante unha certificación expedida polo órgano competente, que incluírá a relación de gastos, con data límite do 30 de novembro de 2022, coa conformidade da Dirección Xeral de Comercio e Consumo.

Acompañarase unha relación nominativa de facturas agrupadas e ordenadas por cada unha das actuacións desenvolvidas, facendo constar para cada documento o seu número de orde, a data de expedición, o expedidor, o concepto, o importe en euros e a data de pagamento.

Ademáis, achegárase a documentación acreditativa da realización do gasto, que consistirá nas facturas ou documentos de valor probatorio equivalentes no tráfico xurídico-mercantil ou con eficacia administrativa incorporados na relación á que se fai referencia no apartado anterior, e a documentación correspondente ao pagamento que se acreditará mediante transferencia bancaria e extracto bancario onde figure o cargo por esta. Nos documentos deberán quedar identificados o receptor e o emisor do pagamento, non admitíndose os pagos en efectivo. A dita documentación consistirá en orixinal ou copia compulsada por notario ou funcionario público; se se presentan os documentos orixinais, estes serán devoltos á persoa beneficiaria unha vez comprobada a xustificación.

De conformidade co disposto no artigo 11.d) da Lei 9/2007, do 13 de xuño, de subvencións de Galicia, a Fundación Instituto Feiral de Vigo deberá acreditar a concorrencia ou non con outras axudas públicas para a mesma finalidade.

Así mesmo, acreditarase a obtención ou non doutras axudas baixo o réxime de minimis, que non superen os límites establecidos no Regulamento (UE) núm. 1407/2013 da Comisión da Unión Europea, do 18 de decembro de 2013, relativo á aplicación dos artigos 107 e 108 do Tratado de Funcionamento da Unión Europea. Estes límites aplicaranse independentemente da forma da axuda ou do obxectivo perseguido e o período determinarase tomando como referencia os dous exercicios fiscais anteriores e o exercicio fiscal en curso.

A achega da Vicepresidencia Primeira e Consellería de Economía, Industria e Innovación minorarase porcentualmente no caso de que a Fundación Instituto Feiral de Vigo non xustifique o orzamento total que figura na cláusula primeira deste convenio.

Para facer efectivo o devandito libramento, cómpre que a Fundación Instituto Feiral de Vigo presente certificacións de estar ao corrente nas súas obrigas tributarias e coa Seguridade Social e de non ter débedas pendentes por ningún concepto coa Xunta de Galicia, así como un informe de situación da entidade no que se recollan, como mínimo, a consecución de obxectivos vinculada ás achegas económicas recibidas para o ano 2022 e o desglose pormenorizado do aforro que se produza ou se puidera producir no exercicio, a situación laboral do persoal de acordo coa normativa vixente así como a situación das contribucións ou subvencións dos patróns e das distintas administracións públicas e outras entidades para o exercicio 2022 á data de presentación da xustificación e a previsión, no seu caso, a 31 de decembro de 2022; a relación das feiras, certames e eventos de calquer tipo e alugueiro das instalacións, celebrados na anualidade.

A Vicepresidencia Primeira e Consellería de Economía, Industria e Innovación resérvase o dereito de solicitar toda a documentación que se considere precisa en relación coa xustificación do obxecto deste convenio.

Pola súa parte, a Fundación Instituto Feiral de Vigo queda obrigada a facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas no exercicio das súas funcións de fiscalización e control.

SEXTA.- Procederá o reintegro total ou parcial das cantidades achegadas pola Vicepresidencia Primeira e Consellería de Economía, Industria e Innovación no suposto de incumprimento das condicións establecidas neste convenio.

Así mesmo, toda alteración das condicións previstas neste convenio e, en todo caso, a obtención concorrente doutras axudas públicas para a mesma finalidade poderá dar lugar á modificación das cantidades establecidas na cláusula segunda deste convenio.

O procedemento para declarar a procedencia da perda do dereito de cobramento da subvención e para facer efectiva a devolución á que se refire o punto anterior será o establecido no Título II da Lei 9/2007, do 13 de xuño, de subvencións de Galicia.

Incumprimento parcial: sempre que se cumpran os requisitos ou condicións esenciais reflectidos no convenio, a Dirección Xeral de Comercio e Consumo poderá apreciar un incumprimento parcial e deberá resolver sobre o seu alcance, aplicando a mesma ponderación que tivese a condición incumplida no convenio e, se é o caso, establecendo a obriga de reintegro.

Cando se trate de condicións referentes á contía ou conceptos do investimento subvencionable, o alcance do incumprimento determinarase proporcionalmente ao gasto deixado de practicar ou aplicado a conceptos distintos dos considerados subvencionables e, se é o caso, deberán reintegrarse as cantidades percibidas na dita proporción. Con carácter xeral, se o incumprimento superase o 25 % do investimento subvencionable do proxecto, entenderase que o dito incumprimento é total e deberán reintegrarse todas as cantidades percibidas e os seus xuros de demora.

SÉTIMA.- A Fundación Instituto Feiral de Vigo presta o seu consentimento á Vicepresidencia Primeira e Consellería de Economía, Industria e Innovación para que, de acordo co establecido na disposición adicional primeira do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, publique as axudas concedidas nos rexistros públicos referidos con expresión da entidade beneficiaria, a contía e a súa finalidade, na forma que determine o órgano competente.

OITAVA.- O convenio de colaboración entrará en vigor ao día seguinte da súa sinatura e estenderá a súa vixencia ata o 31 de decembro de 2022.

Así mesmo, quedan incluídas as accións desenvolvidas e os gastos producidos dende o 1 de xaneiro de 2022 e que se correspondan co obxecto deste convenio. Non se contempla a posibilidade de prórroga.

NOVENA.- A subscrición deste convenio non comporta relación laboral, contractual ou de calquera outro tipo entre os/as profesionais que desenvolvan as actividades e a Vicepresidencia Primeira e Consellería de Economía, Industria e Innovación, de tal xeito que non se lle poderá esixir responsabilidade ningunha, nin directa, indirecta ou subsidiaria, polos actos ou feitos acaecidos no seu desenvolvemento.

DÉCIMA.- Coa finalidade de asegurar o cumprimento deste convenio, crearase unha comisión de seguimento de composición paritaria que coordinará o seu desenvolvemento.

O funcionamento da comisión de seguimento regularase polo réxime xurídico dos órganos colexiados contido na Lei 16/2010, do 17 de decembro, de organización e funcionamento da Administración Xeral e do sector público autonómico de Galicia.

ANEXO

ACTUACIÓNS	ORZAMENTO DE GASTOS ASOCIADOS, DESAGREGADO POR CONCEPTOS	IMPORTE (€)	ACHEGA CONSELLERÍA (€)	ACHEGA FUNDACIÓN (€)
Consumo enerxía eléctrica instalación do recinto	Consumo enerxía eléctrica	46.000,00	16.648,93	29.351,07
Mantenemento páxina Web e Redes Sociais	Mantenemento páxina web e redes sociais	347,00	125,59	221,41
	Aloxamento Linux Prof. Sobre dominio ifevi.com			
	Xestión e trámite do alta e mantemento do dominio ifevi.com e ifevi.es			
Seguridade	Servizo de seguridade e vixianza	87.600,00	31.705,36	55.894,64
Servizo Wifi	Servicio Wifi	4.200,00	1.520,12	2.679,88
TOTAL		138.147,00	50.000,00	88.147,00

INVESTIMENTOS SUBVENCIONABLES

Terán a consideración de investimentos subvencionables os gastos directos imputables á organización, montaxe, promoción e servizos, obxecto de contratación externa, para as actuacións subvencionadas.

Os custos indirectos terán a consideración de investimento subvencionable sempre que se imputasen polo beneficiario á actividade subvencionada na parte que razoablemente corresponda e, en todo caso, na medida na que tales custos correspondan ao período no que efectivamente se realiza a actividade.

Serán admisibles tamén os gastos financeiros, os gastos de asesoría xurídica ou financeira, os gastos notariais e rexistrais e os gastos periciais para a realización do proxecto subvencionado. Os gastos de administración específicos son subvencionables se están directamente relacionados coa actividade subvencionada e son indispensables para a axeitada preparación ou execución desta.

IFEVI - CALENDARIO DE FEIRAS PROGRAMADAS PARA O ANO 2022

1.- Salón do Vehículo Clásico e de Época
19/02/2022 – 20/02/2022

2.- Salón do Automóbil e Motocicleta
27/04/2022 – 01/05/2022

3.- Motor Ocasión Salón do Vehículo Usado
05/05/2022 – 08/05/2022

4.- Navalía 2022
24/05/2022 – 26/05/2022

5.- Veganagal
01/07/2022 – 03/07/2022

6.-Galiexpo MotorShow
02/09/2022 – 04/09/2022

7.- Conxemar 2022. Feira Internacional de produtos do mar conxelados
04/10/2022 – 06/10/2022

8.- Vigobodas
12/11/2022 – 13/11/2022

9.- Caroutlet Vigo
18/11/2022 – 20/11/2022